



5471

文章游戲初編卷四目次

序

沈郎四月九日合香詩序

徐忠

述懷小序

姑蘇朱文娟 吟梅

南樓夢話自序

繆良

薛蘭谿詩文錄存序

繆良

俞杏林麟植集序

繆良

鍾宿山詩序

繆良

文章游戲初編卷四目次 一

啟

為阿龍謝王也香送蘭啟

繆良

書

寄謝長亭書

仁和 金采香 冬 郎

復齋圖書

金采香

答內書

金采香

寄外書

錢塘 史雲貞

與某書

楊氏



寄繆蓮仙書

仁和 龔志清 澄軒

答龔丈澄軒書

繆 艮

寄孫遜齋書

繆 艮

答繆蓮仙書

江夏 孫學勤 遜齋

答繆蓮仙書

孫學勤

寄繆蓮仙書

楊 驊 子良

答楊子良書

繆 艮

寄亡友馮元駿書

繆 艮

文章游戲初編卷四 目次

二

答生友繆蓮仙書

馮元駿

代林妍答某書

繆 艮

文章游戲初編卷四

武林 繆 良 蓮仙 輯

沈郎四月九日合登詩序 徐 忠

節。屈。清。和。正。屬。暑。遠。寒。消。之。候。人。求。蒸。婉。能。無。
朝。雲。暮。雨。之。思。某。公。曲。體。物。懷。溥。施。化。澤。每。念。
一。夫。不。獲。既。甚。已。推。願。教。四。海。多。情。欣。成。良。眷。
爰。解。精。靈。爲。其。紀。綱。完。姻。沈。郎。者。謂。美。秀。而。文。
猶。然。弱。冠。迺。直。方。以。大。儼。爾。壯。夫。置。彼。戎。行。應。

文章游戲初編卷四

一

有。善。戰。能。征。之。目。試。之。射。圃。可。無。遺。弓。墮。鏃。之。
虞。言。訂。酌。匏。剛。逢。九。日。幸。廣。合。璧。喜。覩。三。星。佳。
壻。從。此。乘。龍。美。人。于。焉。畱。馬。昨。宵。方。浴。佛。微。啟。
其。牙。今。夕。正。迎。鸞。共。交。其。頸。幸。風。雲。之。際。會。何。
愁。瘦。減。腰。肢。倘。鸕。蚌。之。相。持。還。恐。蹙。傷。眉。黛。先。
爲。小。引。以。代。催。妝。各。賦。新。詩。用。資。撒。帳。

韻人韻事又得韻文以傳之令讀者作十日

想 繆蓮仙

述懷小序

朱文娟

記夢裏之悲歡。若作新聞。都成實境。辨戲中之
面目。欲知結局。但看排場。世無全福之人。豐於
才者。齋於遇。古有遺愁之曲。異其事者。同其情。
余則時運多艱。生辰不偶。自慚蒲柳。亦凜冰淵。
春短春長。恰是鶯花二月。愁深愁淺。那堪風雨。
三更。須知火本無蓮。何處鄉。畱清淨。還說月真。
有桂。總教影入空虛。有生不若無生。來路豈忘。

文章游戲初編卷四

二

去路。倘生慧眼。前因當作如是觀。卽具婆心。現
在何能無此想。迴憶庭前嬉戲。膝下嬌癡。乍換
裳衣。歡試斑衣舞綵。新分梨棗。笑看剝棗稱觴。
閒時細揀纖毫。呼爺學字。昨日新磨明鏡。泥母
梳頭。邀兄拈出詩題。偏嫌襲舊。倩姊描成花樣。
却喜翻新。吟到芙蓉。嚼紅香於片片。繡添蝴蝶。
窺碧影以雙雙。夜月團圓。遍照人間之樂田。荆
爛漫。齊開心上之香。何期錦幔牽絲。赤繩繫足。

含情不語。春風輕擲掌中珠。顧影自憐。曉霧忽
迷雲外雁。共指兼葭是倚。誰言琴瑟堪調。惡緣
認作良緣。佳偶翻如怨偶。畫眉牕裏。厭厭連理
之杯。織錦樓頭。誤挽同心之帶。雞旣鳴矣。不聽
警戒之詞。肉可啖乎。惟觀咆哮之性。縱使釵裙
無恙。安能冰炭相投。常占反目之交。聊且登堂
視膳。欲進采葑之咏。幾疑入室操戈。誓同筆墨
爲讎。甘心自棄。談及詩書。是藥苦口。難爭人之

文章游戲初編卷四

三

無良。余將焉託。所以翠鬢暗鎖。趨時權效東施。
紅淚偷彈。藏拙懶吟新句。模糊花影。恨結三生。
縹渺煙痕。情畱一縷。奄奄待斃。身如未死春蠶。
漸漸成灰。心似將殘銀燭。擬歸地府。恐負親恩。
豈真伶俐。反癡。竟是聰明。無福吁嗟乎。未知生
樂焉。識死悲。漫尋芝草之根。偶現曇花之色。亦
真亦幻。直欲填平怨海。永息風波。不滅不生。遂
令勘破塵緣。盡除罣礙。莫展瓦全之策。恆懷尸

諫之忱迹殊溝瀆之經或可消夫後患情等箴
規之切庶幾格其初心若憐翹首於重泉不枉
捐軀於早歲此日葉凋松柏正值三秋缺月之
天他時魂戀椿萱定入五夜殘鐘之夢

吟梅吳中人幼聰慧工詩年二十二歸郊氏
以遇人不淑結褵未及三百日自縊死時嘉
慶壬戌十二月十四日子時也此序纏綿悱

惻讀者亦可以鑒其苦心矣

繆蓮仙

南樓夢話自序

繆 良

己酉子館金閶同寓皆故鄉人客況頗不惡居
數日夢爲之恬吳中名勝甲天下城東醋坊橋
舊爲宋賀璫讀書處萍蹤偶寄追感昔賢結文
字緣以傳於無窮不使古人專美於前豈不快
哉往往酒酣耳熟與同寓諸君子歌呼上下賦
詩以爲樂未幾吳菊圃告子曰異哉適夢南樓
有紅裳女子歛容端坐自吟詩二首醒則歷歷

文章游戲初編卷四

五

在耳聞此地有不得其死者豈卽其人歟乃錄
以示子玩之其聲銷其意淒以婉輒不禁黯然
夫橫死而神不散者自古有之今不爲厲而寓
情於詩是殆女之才而知命者矣嗚呼傷心人
安必其無也子與諸君子日勉以法古每夜半
往復辨論不休鬼其有靈因人而傳其志乎幽
明途隔良可哀已爰著南樓夢話一卷并爲序
蓮仙闈幽鬼如有靈呼之欲出矣

耕塘姚鑑

薛蘭谿詩文錄存序

繆 良

繆子老矣。一燈如豆。兩目昏花。猶日手一編。孜孜不倦。客過而怪之。曰。異哉。頭顱如許。上不能出文章。言語備顧問。待詔金馬門。親被絲綸。顯叨其父母中。不能讀書。讀律摩厲。以須符綰。半迎榮邀。一命竊升斗之祿。以庇室家。下不能棲進衡門。泌水樂飢。述先民之言。傳當世之務。勤爲成書。貽諸子孫。胡乃白首窮途。東西游走。寄

文章游戲初編卷四

六

人籬下。尙將爲村學。究乎多見。其不知量也。繆子聞之。悄然而悲。喟然而嘆。曰。唯唯否否。子非薄三者而不爲也。子拙於才。戾於時。拘於墟。乖於遇。今若此。非得已也。子雖然。隨遇而安。茲甚賴薛君蘭谿假我一編。俾子矻矻以窮年也。子休矣。幸毋溷冬烘先生。

借他人口道我衷曲極詳而細 小山艾振宗

起處突兀中後跌宕結語悄然 侯聘吳學龍

俞杏林麟植集序

繆良

俞杏林國琛，浙紹山陰人也。友人以其麟植集詩示予，予讀之，其詩激昂感慨，有予意中所欲言者，喟然曰：甚哉！詩人之多窮也。如是，夫予少也賤，家貧不克自立，年逾知命，潦倒窮途，每發爲詩，紆其鬱勃不平之氣，見者恆以牢騷相呵責，予亦不知其詩之何以至此，而更嘆知音之難也。若杏林者，甲第傳家，翩翩佳公子，而境遇

文章游戲初編卷四

七

適與予類，憂愁之況，悉寄於詩，予益不解造物之付畀。杏林者，又居何等耶？於是拍案而起，隱几而卧，恍見杏林握手，訴生平曰：子真知音人也。譬諸鼓琴，某志在高山，子則曰：善哉！巍巍乎如高山。某志在流水，子則曰：善哉！洋洋乎若流水。而今而後，某得於虛無縹渺中，遇鍾期矣。語未竟，鄰雞一聲，杳不知處。

可以莊可以諧，可以騷可以雅。

裴莊王灝

鍾宿山詩序

良

予游粵十一年矣。所至必訪騷人。相與唱和。爲樂。其間出風入雅。不乏逸羣之才。恆謂嶺南三大家。未能專美於前也。辛巳館鶴山。歷半載。罔識一士。野游寂寞。意殊悶悶。及閱邑中試卷。見所爲韻語。頗有可觀者。竊疑此邦未嘗無人。何竟莫予覲止耶。壬午春。梅州李克齋來問詩。因詢其交游。僅以何梧門對。予亟偕訪。遂共賡酬。

文章游戲初編卷四

八

因梧門得識馬雲階。陳敬軒。韓抱真諸君子。皆吟侶也。於是詩筒往來無虛日。然諸君交相推許者。則惟鍾宿山。并各出其舊作示予。予向往之。不能忘。蓋宿山家禾穀坪。去城十餘里。而假館之地。倍焉。情不能已。乃投以詩。中有句云。一自同人誇錦句。每逢流水想鍾期。是子之神交。宿山者。意甚深矣。夏。梧門窺予意。自其家相約入城。置酒高會。一見如故。具道愛慕之忱。徘徊

不忍去。薄暮偕訪雲階。諸君渴三下宿山始踏
月而歸。越日寄詩編屬子序讀之無體不工五
七古尤勝。是能胚胎李杜韓蘇。非徒媒但騁奇
連狝。賦俗擘紙。擲管侈言能事也。良以性情篤
摯。與趣高。曠溫柔敦厚一本中聲正聲不爲穠
纖。惟膺所惑。故能超越流輩。卓然可媲美三大
家。豈淺嘗薄植所同年而語哉。異時珥筆承明
以鳴國家之盛。發揚踔厲。更有淵淵乎聲出金
石者。予將拭目而觀其集之成也。若予之征衫
席帽。消其歲時。盡簡腐毫。凋其容髮。悵江淹才
盡悲阮籍途窮。誰與爲歡。嗒焉自喪。所賴二三
今雨。不棄頽頑。得以時相過從。樂數晨夕。而宿
山雖未能數數見。猶可與梧門雲階敬軒抱真
諸君子唱和不輟。其足以慰予飢渴者。正未有
艾斯。無負此鶴山一游也已。

文章游戲初編卷四

九

真氣盤鬱前後照應無一懈筆

耕堂蔡禮

爲阿龍謝王也香送蘭花啟

繆良

天壤王郎人原似玉舟中蕩婦貌豈如花迺相
謔已邀贈芍之歡而見憐尤辱秉蘭之愛從此
髻堪斜插宵來枕也畱香他時夢有佳徵服處
姿應添媚紐爲佩矣居然竟體芳多浴彼湯歟
不覺餘馨襲久合我回思王者言愈同心知君
本是善人居宜入室幸未敗秋風一夕庶幾來

文章游戲初編卷四

十

幽谷雙棲爰感桃投藉紆葵烟謹啟

確是謝送蘭花啟是謝王也香送蘭花啟典
而切切而巧羨君筆欲生花 五山劉儀

采香阿五謹白長亭大兄足下。數年不見之知。已一旦從天外飛來。令人喜而不寐。者竟夕。惜阿五寄人廡下。如蠶在繭。不克埽榻攀留。卽厄酒盤蔬。亦未盡地主一餐之誼。罪甚歉甚。所幸大兄知我。斷不以此爲疎密耳。香娘子一說。妙極樂極。阿五於二十年前取字采香。不圖今日爲香娘之兆。機何巧也。更可異者。香父以紅絲交付大兄。大兄獨以阿五爲中選。彼父女深信不疑。遂亦不思擲果潘安。而阿五緣慳分淺。相隔千餘里。相見不可期。大兄猶信之於心。三年不別舉一人。致香父不及完宿諾。而作古。香娘不得歸阿五。而孀居阿五在。灤雲深處。何曾知故人有此一段美意也。亦何敢無端想此一段美事也。今於無意中來潮。無意中見大兄。又於無意見大兄之中。遭此曠代難逢之事。事何奇。

也。諺云：千里姻緣一線牽。豈暗中果有牽絲者在耶？分手後心癢難搔，然伏枕思之，不禁喜中生慮。其一阿五伉儷相重二十年如一日，何忍別招尤物以觸婦疑？其一香娘本夫人也，位之以乙名，雖諱乎小星，實則嫡之外，皆爲庶。況乃翁爲吾學先達，阿五豈不惻然乎？其一香娘子歸兩月，獨宿數年，非文君新寡者比。一誤不堪，再誤可不察？阿五能始終如一，否？輕委其身以

相託耶？而阿五亦名教中人，豈可籌之不熟，率爾相從，使香娘他日作白頭吟耶？其一同胞弱弟，長而未有室，設有物議，百喙何辭？其一阿五來潮，席尚未煖，忽先及此事，必有議其後者，孰知阿五生平矜矜自愛，固非見色忘義之徒也。凡此皆阿五長慮却顧而不能自決者，雖然，大兄之高情，香娘之雅意，阿五殊不能恣然也。展轉反側，庶幾香娘歸寧母家，許阿五登堂見妹。

先敘雁行緩圖鴛枕彼則曰采哥哥我則曰香
妹妹做西廂請宴故事亦一時佳話庸何傷且
往還親密渠知儂之心儂知渠之操而阿五細
君或經來此先令相見耦居無猜然後三人結
爲同心聯臂踏歌唱銅雀春深鎖二喬句則爾
時倚兄爲郎稱名更昵改妹爲婦情好倍真大
兄高明其謂雍之言然否望雲拜手但勿令我
二人徒飲香名有孤月老

文章遊戲初編卷四

七

發情止義筆如轉環 繆蓮仙

復薊圃書

金采香

書復薊圃大丈閣下。九月廿一日接手示。知杖履綏吉。喜過於面。繼閱澄湖札。又知袁姬舉一女。王母蟠桃先花。後子兆。基於此。勿謂銘椒詠絮爲不足貴也。來書言及當年愛子。悲楚猶溢楮外。似非近日所宜。且袁姬已經破腹。輕車熟路。不難誕育佳兒。但願大丈視無子如有子。靜以待之。則天之報施善人。必有出於意想所不

文章游戲初編卷四

古

到者。況我輩非有大怪僻大罪過。天其何忍絕之。芻蕘一得。敢持作萱蘇之寄。大丈胸有千古。當亦坦然無疑笑而領之也。僕自二月杪抵館。許久無一紙道殷勤者。蓋以隻身千里。心緒如焚。姑借以妄塞悲之義。概不執訊。僅於家報內問安。乃大丈不加呵責。諄諄猶以弱體爲存注。骨肉之愛。何如是真且篤也。賤恙稍平復。毋煩記望。惟寂處館中。無可與談。風月閒情者。違問。

筆墨趣人。樓頭兀坐。但作當年學堂故態。手一編自遣。不圖大丈夫亦以此法訓之。若合符節。我輩一鼻孔出氣。不當異地同心耶。明歲爲僕四十之年。一無建樹。而萬斤擔子。責成兩肩。雖杜牧多愁時。有滄桑棖觸。未病先灸之慨。然回首茫茫。勢無可卸。不敢不寶此身。如寶穀玉。冀失之東隅。收之桑榆。以副大丈夫及家人奢望。今且自解自慰者。家貧而不怨耳。大丈夫樂之至。故不禁言之長也。丁巳春。僕寄汕未歸。曾與澄海謝長亭訂交。朝夕談心。竟成莫逆。一日與之同游觀劇。賞識牆頭年少女郎。一爲璜娘。一爲寶娘。一爲香娘。香娘者。駐汕守備某之夫人也。三人把臂入林。不相伯仲。頗爲之動。而璜娘寶娘俱早作羅敷。香娘亦聞在新寡。莊重自持。矢志靡他。僕不肖心腸。頃刻如水流花謝。偶於同人接席時。戲作謔語云。香娘如肯歸我。一夔已足本。

狂且一時戲語而謝長亭竟默識此言以去今夏長亭自汕返澄過從菴館言盼望三載知已不果來今不期而來香娘欣有託矣僕詫異久之長亭乃云香娘之父長亭之故舊也李姓某名爲吾澄一學宿儒舌耕度日香娘自幼備嘗甘苦女紅無所不能性情亦最柔順長亭自丁巳歸香父屬覓良緣安寡女但念香娘之紅顏薄命非采香之多情室家之和樂者不可託會將采香生平歷歷告之香翁香翁心折已久命女以副室相從不煩一絲一縷其心良苦矣今香翁作古宿諾未完而香娘以後母難處守志姑側猶念父命不置窺其意曰舍采香其誰與歸其智識有不可沒者采香不可不思所以援之也一席話憑空而來使人恍惚不知所云次日神定作書復之殊嘆長亭奇人作奇事較古人一解作諾便爾不忘者更上一層樓也茲將

錄存復札寄覽以見一念之荒唐招出如許情
事僕自幼及壯每有所遇第恐身名俱裂轉念
卽一一謝絕之不敢舉以告人而房幃內則固
聞之熟矣乞大丈將此顛末縷告阿母阿姊及
內子知之是亦懺悔之一道云

強制之功是人所難

繆蓮仙

答內書

金采香

十月十六日冬郎書今日讀來訊一字一淚一
擷一痕愁腸寸斷矣卿之柔軟心情果如是忍
耶彼其之子乃四月中言語事在萬萬不能行
既辭之以不可又柬之以寄意者無聊之際借
作逍遙散耳書中登堂見妹如許情話不過烘
雲託月掬水成波快一時之筆尖破胷中之積
塊非不知其人家碣石固所謂風馬牛不相及

文章游戲初編卷四

六

也。半年來影裏情郎畫中愛寵早歸無何有之
鄉會大丈書來詢及文字知已硯田久荒此亦
筆墨中韻事舉以示之並告阿母阿姊諸家人
學佛子懺悔於以見我念念不忘閨中婦實有
如此不觀前書第一說云阿五位儷相重二十
年如一日何忍別招尤物以觸婦疑乎夫二十
年如一日六字耳而惟日不足之情不堪回首
觸疑兩字耳而心心相印之意悠然言外發乎

情止乎禮義。不爲佳麗動搖。微冬郎不及此。乃
我以小忠小信之懷。告卿卿。却以使貪使詐之
才。疑我我何人。斯一至蒙此。不白哉。來書秀才
云云。數節更言所不當言。設我果然如此。卿當
爲我勸爲我諱。何可如三家村中婦。揜袂攘臂。
怒轟轟。一口氣直說出來。不畱他人餘地。天下
事。往往因一言激變。此類是也。且余青眼閱人
多矣。柳帶結盡同心。終作放歸樊素。以玉鏡臺
前有馨逸如蘭。一人在。不忍使羣雌粥粥環而
擾之也。疇昔得心應手。棄之如遺。迄今日暮途
窮。自謀不暇。豈今昔或相顛倒耶。懃情書復卿
請勿疑。

文章游戲初編卷四

五

數札中曲盡纏綿如怨如慕。知先生定爲情
死矣。因題一絕云。尺一空畱恨未消。舊歡新
約兩無聊。癡情肯負香娘子。贏得歸魂滯惠
潮。蓋謂冬郎病卒於澄海也。

繆蓮仙

妹雲貞端肅。斂衽再拜。致候。秋塘哥哥安履。憶
自楓亭分手。彈指十年。遠塞羈愁。空懷歲月。長
門幽恨。莫數晨昏。然母親膝前兒女團圓。尙可
寬慰。哥哥隻身孤戍。依人作計。誰與爲歡。問煖
噓寒。窺飢探渴。涼涼踽踽。未知消受幾許。凄其
貞。雖不能縱萬里之身。續一夕之好。而離魂斷
夢。常繞左右矣。思君十二迴腸。九折豈虛語哉。

文章游戲初編卷四

三

別來七奉手札。僅覆三函。使固罕逢。筆九難罄。
單詞片語。未足慰雙撐盼睫也。前歲五月六日。
得一密信。四俞處送書之日。適貞臥病之時。投
遞參差。幾成不測。幸蓮姊解人。覷破支吾。遮掩
得以解紛。不覺冷汗涔涔。二賢頓然告退。伏枕
細讀。欣感交集。少頃母親拆書榻畔。笑語貞云。
錦兒脫罪邊隅。歸期可望。來稟頗自愧悔。想已
磨折。悛改。我今亦憐之矣。是皆哥哥孝思所感。

不然。此恩正未易施也。戊申七月。託勞姓所寄書備述別後景況。自此五易寒暑。中間情景大概可知。新阡樹木成林。圍牆完固。歲時伏臘。瞻拜如常。湖水平漕。不相侵害。可以放懷。母親杖履優游。飲食猶昔。惟痰證時作。精神稍衰耳。親族中概同陌路。大姊夫大姊姊雖不甚冷落。亦無大照拂。二姊夫已故。二姊姊尙畱都下。六妹妹遠在楚省。音問久疎。翼廷大兄人雖刻薄。但

爲母親所依賴。嗣有書來。總以一味感歎。庶可不失歡心。至負義人。今已移居他所。不及提防。萋菲之言。曖昧之事。難免聳惑於哥哥。貞惟忍性堅心。立定脚跟。期盡吾之所當盡。至於青蠅牆茨之譖。信與不信。又何敢必。總之瓊女而在。尙可爲解。不幸又於去年八月出疹。昌風以死。十五年。仳離辛苦。盡付東流。草草治棺。瘞於塋側。猶記歿之前夕。捧貞頰而啼曰。爹爹離家已

久兒歿後。萬不可寄語及之。今憶此言。不禁淚如泉湧。何止殘稿遺書。驚心玉碎。零脂剩粉。觸目蘭摧。即丁郎讀書。頗有父風。然恃聰明而欠沈潛。務高遠而不咀嚼。詩詞有新穎之句。制藝則駁雜不純。青青子衿。初非館閣中人物也。來書詢其所師。舞勺以前。皆貞口授。經史詩詞。略知大義。庚戌仲春。始就楊先生學。捉筆爲文。是秋卽已了篇。嗣後楊先生選教辭去。至今皆卜

文章游戲初編卷四

三

權齋訓迪。教法頗嚴。貞亦不敢稍假辭色。課餘之下。仍以詩詞試之。不畱餘力。惟母親姑息太甚。殊多窒礙。奈何奈何。貞母於壬秋患病。延至癸春二月六日。遽爾長逝。兩老人一生血脈。惟貞一縷之存。不料六十年鏡花水月。情深半子。能不酸楚耶。壻弟原非己出。漠不相關。祇知搜索家資。良可痛恨。貞自遭此變。愈覺難堪。顆粒縷絲。一無所出。家務母親經理。歲入不敷。貞屢

求典售。而又不忍輕去。徒令侵吞剝削。多致荒廢。房產。畝傾過半。復被負義人據爲己有。拆變一空。僅留敗屋數椽。聊蔽風雨。大非昔時光景。從前緩急。可商之處。近皆裹足不前。遇有急需。貞亦不輕啟齒。正恐不惟無濟。反惹非笑。馮郭西絕跡多年。間承四妹霞娘。投以詩物。并詢哥哥消息。情意頗真。些小通融。尙可資助。弟恐日久漸疎。難保始終如一耳。而其耿耿懷念之忱。未可負之。節次屬帶瓶口扇套鞋襪筆茶諸物。盡爲負義人賺去。言之恨恨。貞邇來兩餐之外。不能稍自舒展。嫁筭奩具。陸續肴歸質庫。頻年己身之補綴。蓮姊之盤纏。丁郎之膏火。束脩瓊女之釵釧鞋脚。在在皆挖肉補瘡所辦也。況問安侍寢。未敢偶離。怕色柔聲。猶虞獲咎。卽飲食衣服。儉則負嗇吝之嫌。費又受奢侈之責。素則云樸陋無色。艷則謂冶容誨淫。非詬誶相加。卽

夏楚從事。求有一日之完膚。亦不可得。貞年逾三十。非復少時兒女家人見之。有何面目。結襜之始。筆墨爲命。拈毫橫笛。倡隨幾及十年。一旦梗斷蓬飄。往事不堪回首。簫聲硯跡。久已荒疎。縱有屬和之章。不過勉強承命。吟風弄月之句。斷不敢形於毫端。顧影自憐。可勝悲咽。蓮姊自壬夏摘花受逼之後。其志益堅。兩榻風櫺。寒砧煙火。甘苦與共。形影相隨。此貞今世之綴摺。而

文章游戲初編卷四

三

哥哥他年之桃葉耳。高魁顏忠賀花兒等。祇知迎合上意。計飽私囊。其素芝碧桃。葦鈞深索。隱播弄如簧。尤爲腹心之患。此狂奴故態。又何足道。惟有委曲將就。飲以好言。博一時清淨而已。去年四翁遣人自伊犁來。傳述哥哥敗檢之事。并云一年之中。若肯節省。尙可餘二三百金。幸負義人未將此語上稟。而貞初猶不信也。徐思哥哥賦性疎狂。未展才華。復經大難。一朝失足。

萬念俱灰。又有何心矜持名節。且棲身異域。舉目誰親。月夕花晨。酒闌燈灺。呼盧排悶。擁妓消愁。亦旅人常事。或值多情倩女。知音嫠婦。彼美憐才書生。結習未能免俗。聊復爾爾。貞方痛憫。不暇焉敢效妬。婦口吻涉筆。規諷耶。惟念哥哥身非強健。情復慙癡。彼若果以心傾何妨。竟爲情死。特患口饒齒蜜。腹劍腸冰。徒耗有用之精神。反受無窮之魔障。私心自揣。殊爲君憂。況麴蘖迷心。兼能腹病。樗蒲游戲。更喪文名。些小儻來之財。何足爲計。所慮哥哥千金之體。甘自頽唐。反不若貞之釜蟻餘生。尙知自愛者何哉。來書云。三月適館春齋。六月仍回故地。此中原委未得其詳。哥哥旣與四翁爲骨肉之交。相依耶舍。便可爲家。何必舍此他圖。別生枝節。況去之未久。旋復歸來。則貞所不能解者。大丈夫處世。怨固不可深結。恩亦不宜過求。未嘗拜德之前。

先○思○圖○報○之○地○四○爺○豪○俠○人○所○共○稱○但○其○癡○意○
柔○情○殆○亦○堪○憐○堪○笑○自○聞○與○之○莫○逆○貞○卽○探○其○
爲○人○乃○非○上○游○然○心○跡○可○取○超○拔○哥○哥○於○苦○海○
中○而○嘘○拂○之○酬○報○之○機○貞○心○早○爲○區○畫○矣○相○隔○
萬○餘○里○忽○東○忽○西○萍○蹤○無○定○空○致○魚○書○未○瞻○雁○
足○卽○有○薄○裊○冰○資○亦○不○敢○徑○行○遠○寄○恐○踏○故○轍○
轉○使○空○函○莫○達○也○去○春○有○查○辦○回○籍○恩○旨○惜○
未○能○被○及○然○此○後○機○緣○大○有○可○望○十○年○期○滿○定○

文章游戲初編卷四

三

遇○赦○歸○諸○凡○隨○遇○而○安○耐○心○以○守○鸞○臺○珠○浦○我○
兩○人○寧○終○無○團○圓○時○耶○每○念○弱○草○微○塵○百○年○一○
瞬○夢○幻○泡○影○豈○能○久○留○生○死○兩○途○思○之○已○熟○別○
後○況○味○不○減○夜○臺○現○在○光○陰○幾○同○羅○刹○何○難○一○
揮○慧○劍○超○入○清○涼○奈○緣○業○如○絲○牢○牢○縛○定○不○得○
不○留○此○軀○壳○混○排○場○冀○了○一○面○之○緣○不○負○數○
年○之○苦○他○日○白○頭○無○恙○孺○子○有○成○大○事○一○肩○雙○
手○交○卸○貞○心○不○大○快○哉○故○今○者○哥○哥○一○日○未○回○

此擔一日不容放下也。六弟自上江來，粹聞有
回伊之便，掩戶挑燈，疾書密寄，淚痕滿紙，神魂
遄飛。計書到日，開緘當在黃梅。想哥哥闔之心
與俱酸也。附詩六章，聊以言志。信手拈來，亦是
一幅血淚圖耳。搔首雲天，接大荒。伊人秋水正
茫茫。可憐遠戍頻年夢，幾斷深閨九曲腸。井白
敢云虧婦道，荻丸聊以繼書香。孝慈兩字今無
負，卽此猶堪報數行。鶯花零落，灑幃怕見簾
前燕子飛鏡裏，真漸斑新鬢。角客中應減舊腰圍。
百年幻夢身如寄，一綫餘生命亦微。強笑恐違
慈母意，藥囊偷與嫁時衣。十五嬌兒付水流，絲
牕不復喚梳頭。殘脂賸粉，縈絲閣碎墨零香，問
字樓千種淒涼，千種恨，一分憔悴，一分愁。儂親
亦未終儂養，似此空花合共休。當時夢裏喚真
真，此際迢迢若比鄰。愛寫團圓違字識，偷占榮
落祝花神。那堪失意飄零日，翻得關心屬望人。

別。有。憐。才。惟。一。語。年。來。消。瘦。恐。傷。春。早。自。甘。心。
百。不。如。肩。勞。在。怨。敢。歛。歛。迷。離。摸。索。隨。君。夢。顛。
側。尋。求。寄。妾。詩。妝。閣。早。經。疎。筆。墨。簫。聲。久。已。謝。
庭。除。讒。言。休。擾。離。人。耳。猶。是。堅。貞。待。字。初。未。曾。
蘸。墨。意。先。癡。一。字。剛。成。血。幾。絲。淚。縱。能。乾。終。有。
跡。語。多。難。寄。反。無。詞。十。年。別。緒。春。蠶。老。萬。里。羈。
愁。塞。雁。遲。封。罷。小。牕。人。靜。怕。斷。煙。冷。露。阿。誰。知。
甲寅嘉平朔夕雲貞載拜上

癸亥秋余有是刻友人薛青蘿持此書來余
讀之嘆其義心苦調哀艷動人雖非游戲文
章然或者天實相之欲余發潛德之幽光未
可知也因附刊於集

繆蓮仙

與某書

楊氏

薄命妾楊回含淚拜叩貴人閣下竊妾以風塵
賤質貌乏傾城。謬蒙不棄菲葑得薦枕席武昌
三榻摯誼千重酌酒則銀燭再更談心則晨雞
疊唱錦枕芙蓉終宵並蒂繡衾鴛鳳每夜雙飛
而且諗青樓之誤墮代爲拊膺憐苦海之無邊
每思援手妾也何人知遇得此銘心刻骨沒齒
難忘茲以公冗匆促遽焉登程不別免牽衣之

文章游戲初編卷四

五

慘。留。書。表。鍾。愛。之。深。聞。信。心。酸。捧。箋。淚。落。前。此。
襟。江。上。下。旋。旆。猶。日。有。期。今。者。蓮。幕。棲。遲。握。手。
占。於。何。日。江。風。浩。浩。江。水。湯。湯。白。雲。渺。渺。野。樹。
茫茫。日。月。含。愁。川。原。凝。怨。心。非。草。木。情。何。以。堪。
至。垂。問。南。歸。之。事。尤。爲。腸。斷。憶。妾。家。本。清。白。誤。
適。匪。流。被。誘。來。斯。遂。爾。賣。笑。含。羞。冒。恥。氣。阻。神。
傷。兼。以。命。薄。如。蠶。囊。空。若。洗。而。孽。夫。不。諒。猶。負。
氣。反。目。逼。我。言。歸。顧。路。柳。牆。花。鄉。里。鄙。焉。敗。節。

之婦尚有面目對邦江姊妹乎輾轉熟思原不
難以白綾半幅了我殘生奈七旬老母五歲女
童一死俱死一存皆存計惟假作歡顏同登歸
軸俟里門相近躍入中流魚鱉爲棺蛟龍爲槨
潤城之萬頃千波賤妾之一杯三尺嗟乎痛哉
生爲薄命之人死爲銜怨之鬼長與貴人生死
辭矣惟是知己未酬此靈不泯他日錦帆南下
揚子江頭倘猶念武昌城北交頸深情爲大呼

文章游戲初編卷四

三

日楊四陰魂隨我歸去當有旋風一縷起於舟
前依君懷而不散者此卽妾之靈也此正妾所
盼也嗚呼紙短情長神馳心碎伏望諸惟珍攝
善保千金薄命煙花勿以爲念

情深文深嗚咽處尤令人酸鼻

繆蓮仙

志初到嶺南。記室聲價頗高。二十年來。日趨日下。如欲爲內顧計。亟須改圖方妙。頃聞閣下舊館。補堂已辭。又訂計君掌絲。昔有鄉愚家。素豪富。所延教讀。輒以齊東野人語相駁。詰一時名士。皆辭去。正苦於無師。忽有滑稽之雄。應其聘。到館爲講解。張三將軍與尉遲敬德大戰南天門口。如懸河聲振屋瓦。東翁折服。相得甚歡。今

文章游戲初編卷四

三

豈異於古所云。即以掌絲之行卜之也。承示近作。文氣橫逸。有萬馬奔騰之勢。志年四五十時。猶不敢當其鋒。卽今老病日增。久焚筆硯。每讀一二佳文。輒目眩耳聾。舌橋而不能下。先生休矣。慎毋以驚人之語驚我老翁。閣下文教風行。士林向化。此如韓柳二公。在潮在柳。兩州人始知讀書。未及一年。而膠庠悅服。何快如之。前輩風流宛然在目。讀之泣數行下。繆蓮仙

良備春廡下。幸堪自食其力。蒙諭有欲爲內顧計。亟須改圖等語。用意良厚。然自問老之將至。復別尋謀生之術。便如白頭寡婦。忽思再醮者。無異縱嫁則嫁矣。尙能洗手作羹熟。諸食性耶。昔有人詢其友云。世謂少年公子老封君。二者孰愈。其友云。公子愈於封君。此人急欲趨出友問。何往。乃答曰。我要送家父上學去。如良今日。

文章游戲初編卷四

三

亦送父上學之一說也。嗟何及矣。至於良之舊館。竊恐張三將軍與尉遲敬德。猶不足以挫其氣。必得孫悟空帶同族弟孫飛虎。族妹孫二娘。大戰趙匡胤於東海龍宮。趙陀防乃弟有失。卽率領趙子龍。趙文華。趙五娘。舉家救援。方足以折其心。舊令尹之政。必以告新令尹。吾丈曷弗爲計。若代陳之呵呵。

游戲耳。亦見胸中武庫無物。不有

蕉軒錢瀛

寄孫遜齋書

繆 良

僕自夏間移硯廣寧。獲晤王晉堂。相得甚歡。晉堂嘗嘖嘖稱道閣下。品學弗衰。并出尊作贈詩。見示讀之。恆以未識荆爲憾。頃見閣下致晉堂書。頗及鄙人。繾綣情詞。旣優且渥。而加以獎飾。殊深慙然。至天若有意。困苦數言。慨當以慷。尤微至性。所謂古之傷心人。別有懷抱。真令聞者感泣雪涕也。天涯淪落。人所如寡。合雖故舊。猶轉眼若不相識。初不計班荆傾蓋之外。竟有矜憐如閣下者。以神交而得知。已何幸如之。嗟乎。人生識字憂患始。吾輩鬱鬱久居人下。皆自取之道。夫復何尤。顧飢驅出門。勢必爲謀食計。而茫茫人海。誰是賞音。矧廁身權貴家。藉分河潤。欲不爲斯世揶揄。蓋亦鮮矣。閣下所云時而油額粉頸。溫存可親。時而馬面牛頭。猙獰可怖。僕數十年閱歷。深嘗此中況味。我心實獲。殆有甚

焉。所恨者不克自樹立耳。僕不佞頭顱如許。愧
乏寸長。瓠落無庸。亦固其所。惟念閣下壯年英
銳。槃槃大才。雖驥足暫羈。終必騰驤萬里。元龍
在望。奚止上下牀之隔耶。秋風加厲。尙希善自
珍攝。相時而動。破壁何疑。合友王靜山爽人也。
僕曾一見如故。相視莫逆。閣下垂髻至契。耦俱
無猜。定免離索之況。更得莊蓮洲樂數晨夕。其
愉快又非尋常所可擬耳。特是僕與閣下相知
黯然。

文章游戲初編卷四

五

蓮仙愛才如命而愛友亦如命。書曰：人之有
技若已有之。人之彥聖其心好之不啻如自
其口出。是能容之。蓮仙有焉。至於肝膽照人
解衣推食。幾自忘其爲寒士者。猶其餘事焉。

耳 霽峯楊峒

答繆蓮仙書

孫學勤

楊柳渡頭桃花潭畔一言投契千古知音未識
春風半面聽君奏流水之聲恍如明月前身爲
我弄胡牀之笛阮籍雖狂窮途不哭劉蕢被黜
落第猶歡惟良友之相於遂至情之可感嗟乎
逝水征塵難逢知己天涯海角忽遇賞心肝膽
相照款曲堪陳前者舟中絃索水面琵琶雅韻
過高育伶莫辨比及舊友言旋復以新書見示

文章游戲初編卷四

三

蘇海韓潮壯哉筆下龍虎斑香宋艷屈矣人中
鳳凰一面緣慳十旬心醉困於便札之中附誌
素心之寄迺承睇懷小草尺素先施散擲天花
寸丹早鑿殷殷獎飾娓娓揄揚芬流齒頰旣佩
德而難忘惠洽肌膚復捫心而滋愧潤物妙於
無聲虛懷推白迷途自欣有象逾格垂青小友
堪稱忘年志美可歌可泣且感且慚敬惟先生
南國才人西冷名士譽傳丹篆系譜烏衣掇芹

香於泮水弱冠請纓。貴紙價於洛陽。壯年投筆。
無路梯雲。不屑負緣之路。有心攀桂。莫存倖進。
之心。牀頭金盡。壯士無顏。榜上名空。英雄短氣。
登樓嘆風景之殊。聊復爾爾。舉目睎家鄉之遠。
誰肯卿卿。於是不平則鳴。長吟不輟。浣花杜老。
悲來海鳥之秋。踏雪浩然。選盡羅浮之勝者也。
之乎。偏饒丰韻。嬉笑怒罵。都是文章。名山風雨。
早分人乙之黎。逆旅光陰。難入武丁之夢。所幸。

道德五千垂名不朽。珠璣萬斛待價而沽。不少。
川鉛之歲月。可編青史之樞機也。勤世本牧羊。
客皆題鳳。羞對書中脈望。恥無案上來禽。魯魚。
亥豕之多訛。伏獵弄麀之貽誚。雪擁蝸廬身擬。
遼東之豕。雲迷雁塔。眼穿太子之烏。旣無志於。
雄飛。遂甘心而雌伏。棹買珠江。敢同訪戴。春尋。
梅嶺。詎比依劉。榻下迎賓之館。先生休矣。座尊。
沒字之碑。小子聽之。硯田歲晚。依然兩袖清風。

筆陣數奇猶是一肩明月讀楚些而挑燈書空
咄咄賦虞兮以擊劍歌譜烏烏故態復萌漫謂
風流自賞刮目相待謬爲卜薛所知嗟嗟先生
清貧非病老大何傷放開眼界只蝸牛角上爭
名費盡心機亦蝴蝶夢中鬪智入情大抵如斯
不過蜃樓海市面目還存故我何妨匣劍帷燈
滄海桑田遮莫呼他牛馬鏡花水月無那養我
性天惟是交游道廢里巷風微初叶金蘭旋歌

文章游戲初編卷四

三

陰○雨○知○己○尤○貴○知○彼○相○識○何○必○相○逢○但○求○印○心○
奚○用○謀○面○香○火○緣○中○自○有○三○生○厚○幸○龍○華○會○上○
寧○無○一○段○前○因○勤○傾○葵○有○志○負○笈○無○從○雖○叨○雙○
鯉○之○書○未○聽○三○鱸○之○講○所○謂○伊○人○式○相○好○矣○未○
見○君○子○豈○徒○然○哉○且○看○面○壁○三○年○或○瞻○北○斗○惟○
有○心○香○一○瓣○聊○祝○南○豐○諸○宜○自○愛○不○盡○欲○言○

緣慳一面願結三生尺素頻來寸衷如訴茲
存手札用誌神交 繆蓮仙

答繆蓮仙書

孫學勤

戊寅人日。客有窮困而過勤者。閒談竟日。語刺刺不休。於是主人客。殺雞爲黍。而食之。借他人酒杯。消胸中塊礪。未始非計之得也。正觥籌交錯間。有剝啄投緘者。諦視之。則先生書也。勤蹶然捧誦。誦竟而嘆。遲疑者久之。客曰。先生何人也。勤曰。且無論其人。請先觀其書。客且讀且飲。爲之神馳者良久。曰。子何以得交先生耶。勤曰。先生其可得而交耶。惟不可得而交。此勤之所以得交先生也。客曰。子始而喜中。而嘆終。而深長思者何也。勤曰。先生角逐名場三十餘年。鬱不得志於有司。遨遊齊魯燕趙間。爲卿大夫上客。今復游粵。不屑苟就。藉毛錐子以餬口。仄聞賦性耿介。非道弗親。以故落落寡合。窮愁著書。嗟乎。以先生之才。上之揚風扞雅。可以闡文苑之英華。次之攀龍附鳳。可以博瓊林之一

枝下之厠身權門苟容取悅猶不失作富家翁
多收十斛谷也顧以素性過直不容於世窺當
道富若貴俱無足當先生意者迺獨忘年下交
於勤此勤之所以始而喜也憶自髫齡就傅受
容蘊堂天子知弱冠就試受朱石齋先生知彼
二公者皆身親而目覩未若先生之未獲一見
而遂津津延譽不啻若自其日出者也其知己
之感較二公爲何如其酬報知己於萬一者宜

文章游戲初編卷四

三

何如此勤之所以中而嘆也勤弱而好弄長有
童心舉凡可驚可愕之狀一寓於目遂形諸筆
墨管窺蠡測忘其固陋先生不加針砭反滋疾
疢雖成土壤不讓細流不擇之高深而刻畫無
鹽終覺有靦面目如勤之附驥尾而行亦顯者
先生殆誘之使至於道耶抑愧之以微詞耶此
勤之所以深長思也客聞勤言喟然起曰名者
實之賓也困者亨之漸也如子言先生非長貧

賤者也。子雖未見先生，乃深知先生者。吾爲子喜，且爲子嘆，而無所用其思也。語畢而去。勤感先生之意，愧無善狀以陳。先生卽以一時之人與事附告。先生聞之，當必撫掌一笑。窮未送而愁可遣也。先生其謂之何。

子與遜齋一載神交，終無半面。每懷靡及，情何以堪。猶憶其賦歸時，又寓書於子，中有云：勤浮沈珠海，瞬息兩年跡。類嶺南遷客，全無

援手之人。情同塞外文姬，莫措贖身之計。嗟何及矣！我將去之，惟是度嶺以來，謬辱知己者，惟先生一人。而又水雲跡阻，覲面緣慳。豈真如海上神仙可望而不可卽耶？從此暮雲春樹，烏絲賦懷友之篇。尚祈流水高山，紅豆寄相思之句。石記三生，倘返離魂倩女。庭號百畝，或來前度劉郎。後之視今，當如頭白宮人說開寶遺事，不禁感慨係之矣。繆蓮仙

寄繆蓮仙書

楊驊

久耳芳聲未由把晤每懷叔度捧誦四編羨先生筆底生花憐先生胸中抱恨可歌可泣想見爲人此景此情無日不腸迴九轉也回憶庚辰冬杪驂奉調赴省之日正題補歸善之時承史春林舍身推薦賢才以匡不逮私心竊喜叨教有期故不俟部覆准題卽先送聘書訂請此一點愛才若渴之鄙忱先生知之否乎詎料西平

文章游戲初編卷四

四

一局不果東翁二字難稱惹此相思何以自慰每遇識君之面知君之名者驂自誇曰吾與若賓主也有知其事者誚之則戲改西廂二句云我是影兒裏情郎他是畫兒裏愛寵聞者大笑先生閱此想必始而驚繼而怒以向未識面之人只不過一通尺素何交淺言深唐突乃爾孰知才子佳人從古並稱果有奪錦之才可比如花之貌此雖曲爲解說實係愛慕真情想先生

闕至此不覺驚定怒弛首肯者再仰而大笑拊膺長嘆曰世間尙有此癡情知己者誰也今歲春得悉先生掌教雷鄉鄧太守邀請闕卷私心復喜際此可以得見卽於孟夏中旬由陸路冒暑趕行又不料到郡之日而文旌業已返棹矣望江引領悵悵奚如其時適值貴東亦至郡垣談及先生近況驂則日長寧欲修志兼請山長能將蓮仙先生讓請否貴東云事如有成再

文章游戲初編卷四

聖

爲商酌似乎有肯讓之意私心更爲欣幸再不料回署查詢捐題修志之項尙在子虛而驂之瓜期將及況貴東榮調大邑正在需賢佐治之時此說竟無庸議但幾番欲見而不得見者或良朋聚晤有一定之時一定之地也至先生近狀驂頗深悉無可祝頌伏願文祉安和館金增益爲禱耳若驂北直之鄙人也幼而失學長而無聞年逾六旬宦游廿載身爲七品官家無一

擔粟茫茫前路。只可聽之。惟性所重者。義氣所
愛者。詩文好讀書。不求甚解。好作詩。不過油腔
誦先生題春林東還記略詩。不勝擊節。因記春
林東還重遇驂。有句云。當年如死別。今日忽生
逢。乍見添新淚。頻看認舊容。又賀春林午日生
兒一絕云。三載持戈禦大荒。歸來倦卧合歡牀。
天公不負虛名號。午日重生小孟嘗。春林貧而
好施人呼
叫化孟嘗班門弄斧。可爲不知分量。然情真語切。不

文章遊戲初編卷四

星

識先生以俗吏而強作詩文。笑我耶。隣我耶。前
者滿擬得一善地。必欲敦請高賢。以了宿願。驂
今已補凌水矣。不得不遵海而南。先生焉肯乘
桴於海。從此揚鑣分道。竟不知相會何時相逢
何地也。言之慨然。礪碌公私。久疎音問。敷陳梗
概。代訴相思。敬候起居。伏希賜教。

既彈流水絕少知音。未獲登龍翻來知己。讀
此可爲痛哭。繆蓮仙

答楊子良書

繆良

三載相思。準以一日三秋之感。已如三千二百四十秋矣。此猶是見而後別之詞。若愛而不見者。其情不更倍之耶。良於客冬自鶴山移硯龍川道出循州。往見耕巖殷丈。談及先生榮蒞長寧。寶眷尙寓園中。卽投刺問安。惟以不克一見先生爲憾。今夏府試歲事。仍訪殷公。藉諭先生。又有招良修志掌教之意。心殊感激。而益恨無緣。一見。匆匆返棹。孰知先生轉爲鄙人。由岸道冒暑而來。交臂失之。聞之不勝懊悶。心逾膠漆。跡比參商。令人輒喚奈何。頃奉琅函。雒誦再三。知相思正有同情也。憶自庚辰辱荷聘書。兼貽尺素。情詞懇懇。摯誼拳拳。久已鈔置案頭。徧示同人。自謂爲平生一大知己。每讀慕高才而欲識荆數語。又未嘗不將信將疑。曰世間果尙有如此知己歟。今而知先生之知己。殆無能出其

右者矣。未逢一面。卽深悉近狀之無他。偶閱四編。便矜憐此衷之抱恨。甚至無日不賜迴九轉。讀至此涕零如雨。嗚咽幾不能出聲。此豈先生飾言哉。先生何樂乎爲鄙人飾言也。良未嘗有求於先生。先生亦何所求於良。雖先生動一點愛才之念。而良則以爲三生夙世之緣。然天與之以緣。不作之以合。至於兩番美意。有願莫償。彼蒼者天。謂之何哉。嗟乎。遇不遇亦何常之有。

文章遊戲初編卷四

望

獨感先生之所以待良者。爲不可及矣。試以男女之私。譬之設。當日張生未見崔鶯。何至魂靈兒飛去半天。卽崔鶯未見張生。又何必臨去秋波。那一轉。由此類推。則先生待良之情。并非男女之私。所能幾及矣。得一知己。可以無恨。海枯石爛。何敢忘諸。日來極欲一登龍門。以撼兩地之相思。以訴三年之積愫。無奈俗塵羈絆。咫尺天涯。區區之心。烏能已已。李義山云。身無彩鳳。

雙飛翼心有靈犀一點通。我兩人實共嘗之。於以嘆鬚眉丈夫轉不若文君之猶能夜奔相如也。先生凌水之行秋以爲期。只好再看天絲幅。湊耳相尙以道相印以心。良與先生豈終無一見時耶。意不盡言。言不盡意。爰成七古一首。略敘大凡。并乞斧斯。良現擬重刊初編。先生手書定常補入。用酬知己之愛。夜窓坐雨如豆一燈。率爾裁箋。信筆書覆。計書到日。當在鵲橋渡牛。

女之期。惟願良與先生亦如天上雙星。一年一會。以永三萬六千秋也。可炎暑將退。涼暖不時。伏詢起居珍重珍重。

一往情深。揮灑如意。激昂感慨。不辨其是淚。是墨也。
竹溪王億仲

寄亡友馮元駿書

繆 良

足○下○黃○泉○之○游○樂○乎○僕○自○足○下○長○別○後○益○復○無○
聊○歧○路○終○迷○棘○闈○屢○躓○窮○愁○落○莫○惟○貧○與○病○作○
生○涯○耳○今○春○家○大○人○又○棄○不○肖○而○逝○顛○沛○之○狀○
萬○倍○尋○常○憂○從○中○來○生○不○如○死○想○故○人○聞○之○當○
亦○泣○數○行○下○也○嗟○乎○世○人○欲○役○何○地○堪○容○君○意○
憐○才○有○天○莫○訴○命○誠○如○此○夫○復○何○言○近○憶○足○下○
非○侍○書○天○上○必○修○文○地○下○諒○日○與○李○長○吉○石○曼

文章游戲初編卷四

七

卿○輩○訂○忘○年○交○結○生○死○盟○痛○飲○芙○蓉○城○狂○歌○遮○
須○國○此○時○卽○欲○策○歸○鞭○轉○故○里○一○訪○潦○倒○舊○交○
知○斷○不○肯○舍○泉○下○之○樂○土○來○人○間○之○畏○途○矣○此○
一○游○也○足○下○不○且○有○樂○無○苦○哉○况○足○下○少○而○孤○
長○而○未○娶○未○壯○而○遂○死○既○無○伯○叔○終○鮮○兄○弟○一○
貧○如○洗○百○事○無○成○生○前○有○暇○豫○之○安○身○後○無○牽○
連○之○累○一○旦○撞○破○愁○城○脫○離○苦○海○以○視○僕○之○求○
死○不○得○者○何○快○如○之○欣○賀○欣○賀○僕○俟○先○父○殯○葬○

畢終養老母百年再得稍稍了却向平之願卽當載酒攜詩趨侍夜臺以圖良晤足下可虛左以待日內倘遇先君子尙祈爲僕扶持之感且不朽

余與元駿交最深偶索居風雨飲食必念必祝後病瘵余爲之覓醫卜計藥餌無虛日卒不起殮時余哭諸寢旣殯余哭諸墓情不能已復爲書以寄地下噫余不自知其哀而傷

文章游戲初編卷四

哭

矣

希齊子自記

蓮仙重交情敦氣誼家食貧常有解推之雅其於馮君尤惓惓焉書中語語從血性中流出死者有知當破涕爲笑

簞葦戴逢春

交情如此管鮑不能專美於前并記其墓哭詩云宿草餘悲痛交情不忍論有懷都入夢何處可招魂魄火綠書幌山花紅墓門詩成和淚寫楮墨濕殘痕

古香姚鋤

復生友繆蓮仙書

馮元駿

知景類螭蚺辭塵幾度秋。黃泉非樂土。何處供
觀游。僕自避世以來。苦無生趣。終日與二三腐
鬼。鬼話連篇。聊爲鬼混而已。舉凡陽間親友。轉
眼若不相識。迺蒙足下不棄。戀戀故人。惠以手
緘。頓覺光生泉壤。迴環朗誦。見一縷生死不忘
之情。媿媿楮墨。間令人涕零感激。惟是讚揚失
實。久欲與足下一評論之。奈路隔幽明。魚書難
達。茲因冥使勾魂之便。特修尺素。上瀆清聽。伏
稔足下仁孝居心。想當日承歡菽水。盡天倫之
樂。慈祥律己。知爾時課讀。箕裘嗣前烈之徽。與
夫鴻案相莊。雁行旣翕。人生之樂。無過於斯。又
何事較短量長。爲功名富貴計耶。若僕者。半生
碌碌。一夢悠悠。不孝有三。空嗟無後。回思至再。
莫冀承先搔首夜臺。不禁淒然欲絕。安能呼朋
引類。暢飲高歌。復效狂生故態乎。近聞客中安

吉到處逢迎。佳作日多。令名遠播。雖屈居蓮幕。而書記翩翩。卽此名士。風流已足。泥塗軒冕。尙祈足下曠懷玩世。頤養天年。歧路堪悲。隨境遣之。可也。疇昔辱承令先君枉顧。僕以父執禮事之。昨已轉入輪迴。投生福地。榮華食報。可慰孝思。灑淚揮毫。欲言不盡。陰愚弟馮元駿頓首。

馮子旣沒。子嘗以書寄之。壬午仲春。假館鶴山。忽郵驛中遞一信至。外封書豐邑緘。寄及

拆視見另一小封。上書內信。煩勾魂使者。順寄陽世南瞻部洲廣東省城。加封卽致肇慶府鶴山縣正堂署中蓮仙繆三兄。手展晚生馮元駿拜託後書。辛巳除夕。艷都城速報司署前蒿里街。寄予大爲詫異。隨披閱數過。如對故人。不禁泣然泣下。或以爲好事者所作。然思嶺南朋舊。疑無人假此僞書。古人云一死一生。乃見交情。真贋固不足辨也。

繆蓮仙

代林妍答某書

繆 良

蓬門弱質。萍水良緣。媿無林下之風。喜有桑中之約。聚雖數夕。幸實三生。正欣鴛夢沈酣。詎料雞聲割愛。當此分襟。怨切難忘。交頸恩深。斯時珠海人還空對。龍川月落。暎違雅度。轉瞬殘秋。杯酒言歡。徒勞夢想。方憶白魚信杳。忽逢青鳥音來。惠問孔殷。足徵垂注。前次聊貽。雜佩尙荷。齒芬展牘。神馳捧箋。顏汗伏稔。庭闈聚順。家室團圓。惟思就緒。如何定亦逢迎。到處尙遇乘舟。得便重聯。風月舊盟。自應掃榻。相要再赴。雨雲佳會。樂可知也。快何如之心。邇人遙情。長紙短肅。楫珍覆恭。候起居。尙希強飯。加衣及時。自玉憑尺。依依不盡。

迴文織錦讀之魂銷

廉夫許學周

